



Claude WISELER
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 15/07/2026

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministere fir Ëffentlechen Déngscht & Bildung, Kanner a Jugend weiderzeleeden.

Nieft dem traditionelle Lëtzebuerger Schoulssystem ginn ëmmer méi ëffentlech international Schoulen opgemaach, souwuel am Primaire wéi och am Secondaire. Hei soll et esou sinn, dass d'Gehälter an d'Aarbechtskonditiounen vum Léierpersonal sech vun deene vum traditionelle Schoulssystem ënnerscheeden.

An deem Zesammenhang wëllt ech de Ministeren dës Froe stellen:

1. Kann de Minister Statistiken an enger Tabell oplëschten (Minimum, Maximum, Moyenne a Mediane), wéi héich d'Bruttogehälter (inclus Primmen an aner finanziell Avantagen) sinn, fir:
 1. Enseignanten am Fondamental,
 2. Enseignanten am Primaire vun enger ëffentlech internationaler Schoul (Europaschoul),
 3. Proffen am Lëtzebuerger Lycée,
 4. Proffen am europäesche Secondaire?
2. Wéi erkläert de Minister eventuell Ënnerscheeder bei der Remuneratioun tëschent dëse Kategorien?
3. Gesäit de Minister duerch dës Ënnerscheeder e Risiko fir d'Attraktivitéit vum Beruff am Lëtzebuerger Fondamental oder am klassesche Lycée?
4. Wéi vill Prozent vum Personal an de verschiddenen Europaschoulen hunn de Fonctionnairesstatut a wéi huet sech dës Zuel zënter 2020 entwéckelt?
Wéi huet sech de Gesamtprozentsaz vun de Fonctionnairë beim Léierpersonal zënter 2020



entwéckelt?

5. Wéi eng Moossnahmen si geplangt, fir eng Konkurrenzsituatioun tëschent de Schoulmodeller ze vermeiden?

Mat déiwem Respekt,



GOERGEN Marc
Deputéierten





Gemeinsam Äntwert vum Här Minister fir Educatioun, Kanner a Jugend, Claude Meisch, a vum Här Minister fir d'Fonction publique, Serge Wilmes, op d'parlamentaresch Fro Nr. 4463 vum honorabelen Deputéierte Marc Goergen

- 1- Kann de Minister Statistiken an enger Tabell opléischen (Minimum, Maximum, Moyenne a Mediane), wéi héich d'Bruttogehälter (inclus Primmen an aner finanziell Avantagen) sinn, fir:
- Enseignanten am Fondamental,
 - Enseignanten am Primaire vun enger öffentlech internationaler Schoul (Europaschoul),
 - Proffen am Lëtzebuerger Lycée,
 - Proffen am europäesche Secondaire?

<i>Fonctionnaires</i>	<i>Maître d'enseignement (B1)</i>	<i>Professeur d'enseignement technique, instituteur (A2)</i>	<i>Professeur, I-EBS (A1)</i>
Minimum (am Stage)	5.088,65 €	6.968,70 €	8.522,87 €
Maximum (Schluss vun der Karriär)	11.781,61 €	12.533,63 €	14.037,66 €

<i>Employéés</i>	<i>Chargé de cours / d'enseignement / employé enseignant (B1)</i>	<i>Chargé de cours / d'enseignement / employé enseignant (A2)</i>	<i>Chargé de cours / d'enseignement / employé enseignant (A1)</i>
Minimum (éischt Joer Stage)	4.604,84 €	6.313,85 €	7.595,61 €
Maximum (Schluss vun der Karriär)	10.325,29 €	11.156,06 €	12.580,23 €

Fir d'Joer 2025 stellen sech d'Bruttoremuneratiounen (Primme mat abegraff) folgendermoossen duer:

<i>Kategorie</i>	<i>Joresmoyenne</i>	<i>Joresmediane</i>
Enseignanten am Fondamental / Primaire vun enger öffentlecher internationaler Schoul	134.029 €	140.175 €
Proffen am Lëtzebuerger Lycée / europäesche Secondaire	145.885 €	147.655 €

D'Moyenne an d'Mediane stellen déi pertinentst Indicateure fir d'Analys vun de Remuneratiounen duer a vermëttelen e representatiivt Bild vun der effektiver Salairesverdeelung bannent der Berufsgrupp.

2- Wéi erkläert de Minister eventuell Ënnerscheeder bei der Remuneratioun tëschent dës Kategorien?

Et gëtt keen Ënnerscheid an der Remuneratioun vun de Fonctionnaire respktiv den Employéë jee no hirer Affektatioun. E Fonctionnaire an der Karriär A1 mat der Funktioun „Professeur“ an enger ëffentlecher Schoul gëtt no de selwechte Bestëmmunge remuneréiert, egal ob dës Schoul den nationalen oder den europäesche Programm applizéiert.

Dat selwecht gëllt fir d'Karriär A2 mat der Funktioun zum Beispill vum „Instituteur“. En Instituteur an enger ëffentlecher Grondschoul ënnerläit de selwechte Remuneratiounsreegelen, egal ob dës Schoul den nationale Programm oder den europäesche Programm applizéiert. Och hei besteet keen Ënnerscheid am Traitement opgrond vun der Affektatioun.

Bei den Employéë verhält et sech genee esou.

3- Gesäit de Minister duerch dës Ënnerscheeder e Risiko fir d'Attraktivitéit vum Beruff am Lëtzebuerger Fundamental oder am kllassesche Lycée?

5- Wéi eng Moossnahmen si geplangt, fir eng Konkurrenzsituatioun tëschent de Schoulmodeller ze vermeiden?

Well et keng Ënnerscheeder a puncto Remuneratioun gëtt, besteet och kee Risiko fir d'Attraktivitéit vum Beruff am sougenannte Lëtzebuerger Fundamental oder am kllassesche Lycée. Eng Konkurrenzsituatioun tëscht de Schoulmodeller ass net ze erkennen.

4- Wéi vill Prozent vum Personal an de verschiddenen Europaschoulen hunn de Fonctionnairesstatut a wéi huet sech dës Zuel zënter 2020 entwéckelt? Wéi huet sech de Gesamtprozentsaz vun de Fonctionnaire beim Léierpersonal zënter 2020 entwéckelt?

De Gesamtdeel u Fonctionnaire beim Léierpersonal vun den ëffentlechen Europaschoulen zanter 2020 stellt sech folgendermoossen duer:

<i>Schouljoer</i>	<i>Undeel u Fonctionnaires (a Prozent)</i>
2020/2021	40,22 %
2021/2022	37,21 %
2022/2023	34,42 %
2023/2024	27,75 %
2024/2025	25,89 %
2025/2026	24,62 %

De Gesamtprozentsaz u Fonctionnaires an den ëffentleche Schoulen stellt sech donieft esou duer:

Schouljoer	Undeel u Fonctionnairen (a Prozent)
2020/2021	79,1 %
2021/2022	78,6 %
2022/2023	78,1 %
2023/2024	77, 8 %
2024/2025	76,9 %
2025/2026	76,0 %

Lëtzebuerg, den 21. September 2026

De Minister fir Educatioun,
Kanner a Jugend

(s.) Claude Meisch